

Poplatkový porjad Worklečanskeje gmejny za zarunanje wudawkow za pěstonjenje a zastaranje z jědźu w džěcacych dnjowych přebywaniščach a džěcacy dnjowym pěstonjenju (KitaEO) z dnja 01.01.2026

Na zakładže §§ 22, 24 a 90 Socialneho zakonja, wosma kniha (SGB VIII), § 15 Sakskeho zakonja wo džěcacy dnjowym pěstonjenju (SächsKitaG) a §§ 2, 28 a 73 Sakskeho gmejskeho porjada je gmejnska rada Worklečanskeje gmejny na swojim posedženju 17.09.2025 slědowacy poplatkowy porjad wobzamknyła:

§ 1 – zasady

- (1) Poplatkowy porjad płaci za staraćelow, kotrychž džěci so w džěcacy dnjowym přebywanišču w zjawnym nošerstwje Worklečanskeje gmejny w zmysle § 1 wotst. 1 do 4 SächsKitaG pěstonja.
- (2) Poměr pěstonjenja mjez staršimi a nošerjom poskitka pěstonjenja so ze zrěčenjom na zakładže rjadowanjow w tutym poplatkowym porjedže dojedna. Bydlitaj-li staršej džělenej, je tón staršiski džěl zrěčenski partner, w kotrehož domjacnosći džěćo, kotrež ma so pěstonić, bydli. Njebydli-li džěćo, kotrež ma so pěstonić, znajmjeńša z jednym staršiskim džělom w samsnej domjacnosći, so poměr pěstonjenja mjez zamołwitym za kubłanje a nošerjom dojedna.

§ 2 – winowatosć płaćenja staršiskeho přinoška, dalše poplatki

- (1) Za pěstonjenje džěci w džěcacych dnjowych přebywaniščach Worklečanskeje gmejny zběra Worklečanska gmejna poplatki za pěstonjenje a dalše poplatki. Za džesać džělowych dnjow časa zažiwjenja so pod wuměnenjom slědowacych rjadowanjow žane přinoški njezběraja.
- (2) Winowatosć płaćenja poplatka za pěstonjenje nastanje při přiwzaću džěsća do džěćaceho dnjoweho přebywanišća ze spočatkem měsaca, w kotrymž so džěćo do přebywanišća přiwozmje. Kónči so z kóncom měsaca, w kotrymž džěćo posledni raz džěćace dnjowe přebywanišćo wopyta. Přiwza-li so džěćo po 15. měsaca, zběra so položca staršiskeho poplatka.
- (3) Winowatosć k płaćenju dalšich poplatkow wotpowědnje § 4 wotst. 6 nastanje ze spočatkom wužiwanja pěstonjenja.
- (4) Chorosć, kura a dowol džěsća, kotrež so pěstoni, njewjedu při wobstejacych zrěčenjach wo pěstonjenju k nižanju resp. wotpadnjenju poplatka za pěstonjenje. Samsne płaci za nachwilne zawodne prózdniny a nachwilne

zawrjenje džěćaceho dnjoweho přebywanišća, kotrež njepřekroči dobu jednoho měsaca.

§ 3 – dolžnik wotdawkow

Dolžnicy poplatka za pěstowanje a dalších poplatkow su staraćeljo. Su-li wjacore wosoby staraćeljo, rukuja zhromadnje za dołh.

§ 4 – wysokosć staršiskich přinoškow a dalších poplatkow

- (1) Zakład za wobličenje staršiskich přinoškow su jako poslednje wozjewjene přerězne personalne a wěcne kóšty w zmysle § 14 wotrězk 2 SächsKitaG za jedne městno wotpowědnje typej zarjadnišća, bjez wudawkow za wotpisanki, dań a podruž. Přiměrjenje stanje so kóždolětnje k 01.10. na zakładze wotličenja personalnych a wěcných kóštow předchadźaceho lěta.
- (2) Njeskrótsene staršiske přinoški wučinja pola žłobikow 23 procentow, pola pěstowarnjow za čas do poslednjeho pěstowarskeho lěta 30 procentow kaž tež pola poslednjeho pěstowarskeho lěta a hortow 30 procentow jako poslednje po § 14 wotrězk 2 wozjewjených personalnych a wěcných kóštow w zmysle § 14 wotrězk 1.
- (3) Za staršich z wjacorymi džěćimi, kotrež runočasnje džěćace dnjowe přebywanišćo abo hort wopytaja, dóndže k znižanju staršiskeho přinoška ze staflowanjom za jednotliwe sobuličene džěći. Při tym so za přenje sobuličene džěćo 100 procentow, za druhe sobuličene džěćo 60 procentow a wot třěćeho sobuličeného džěšća 20 procentow njeskrótsených staršiskich přinoškow zběraja. Za štwórte sobuličene džěćo so žane přinoški njezběraja.
- (4) Poplatki zběraja so pod wuměňenjom rjadowanja w § 4 wotrězk 3 we wobłuku pěstowarnje a žłobika při wšědnym času pěstowanja wot 6 – 9 hodžin kaž tež w horće njewotwisnje wot časa pěstowanja.
We wobłuku pěstowarnje a žłobika poskićuja so nimo toho časy pěstowanja wot hač do 4,5 hodžin (zniženje wo 1/2) a hač do 6,0 hodžin (zniženje wo 1/3).
- (5) Za samokubłacych zniži so njeskrótseny staršiski přinošk wo 10 procentow.
- (6) Překroči-li so w zrěčenju dojednany wšědny čas pěstowanja we wotewrjenskim času džěćaceho dnjoweho přebywanišća, so dalše poplatki po slědowacymaj postajenjomaj zběraja:
 - za pěstowanje jako žłobikowe, pěstowarske a hortowe džěćo na kóždu dalšu započatu hodžinu poplatk we wysokosći 5,00 €. Čas so z druhimi dnjemi njerozliči.

- za pěstování jako hortové dítě za čas šulských prázdnin, kotréž dojednany čas pěstování překročí, přidatny poplatk we vysokosci 10,00 € na započaty týdeň.

(7) Za hóstné dítěti pláca po tutym poplatkowym porjedže wotpowědnje typej a časej pěstování postajene staršiske přinoški za swójby z jednym džěsćom. Pěstování hóstnych dítěti přewozmjé so jenož we wosebje nuznych trěbnych padach.

§ 5 – postajenje, plaćomnosť, plaćenje staršiskich přinoškow a dalších poplatkow

- (1) Staršiski přinošk ma so hač do 15. měsaca za běžny měsíc pláćić a so na dnju plaćomnosće přez dowolnosť za wotknihowanje wotknihuje.
- (2) Dalše poplatki maja so hač do 15. zapřichodneho měsaca za wotběžany měsíc pláćić

§ 6 zarunanje kóštow za zastaranje z jědžu

Za wobdžělenje na zastaranju z jědžu pláca wot zastaraćela postajene plaćizny. Wotličenje přewjedže so bjezposřednje mjez staršimi abo druhimi woprawnjenymi wosobami a zastaraćelom.

§ 7 kónčne postajenja

- (1) Tutón poplatkowy porjad nabudže 01.01.2026 plaćiwosće.
- (2) Runočasnje zhubja dotalne wustawki wo zběranju staršiskich přinoškow wot 21.09.2023 hromadže z 1. změnu wot 13.06.2024 swoju plaćiwosć.

Worklecy, 18.09.2025

Clemens Poldrack

wjesnjanosta